

2024



**KAMP
NAKUPHI**

17 Julie 2024

Beste Verkenner, ouer en belangstellende

Dit is weer 'n groot voorreg om Kamp Nakuphi tydens die skoolvakansie van 21 tot 28 September 2024 by die Da Gama Dam naby Witrivier, Mpumalanga aan te bied.

Nakuphi is 'n waterwerkkamp vir Verkenners (hoërskoolleerlinge) van Die Voortrekkers en word met trots aangebied as 'n gebiedskamp van Leeuwendeld Voortrekkers. Nakuphi fokus op wateravontuur en bied verskeie kursusse soos roeikunde en seilkuns aan om 'n onvergeetlike belewenis vir elke kampganger te verseker.

By Kamp Nakuphi streef ons daarna om die beste kundiges en toerusting in te span om Verkenners te bemagtig met nuwe kennis en vaardighede. Ons doel is egter nie net om hierdie vaardighede aan te leer nie, ons glo dat ons deur ons kampprogram, mentorskap en gesindheid teenoor mekaar, die waarde van **verantwoordelikheid** by jongmense kan ontwikkel. God het elkeen van ons met 'n doel op hierdie aarde geplaas, en deur verantwoordelikheid teenoor onself, ons omgewing en ons medemens te aanvaar, kan ons ons werklike roeping ontdek en uiteleef. Ons wil meer bereik as om Verkenners net van knope, bote en die natuur te leer – ons wil Verkenners help om hulle volle potensiaal te ontsluit!

Kamp Nakuphi verstaan die uitdagende finansiële omstandighede wat deur Suid-Afrika se ekonomiese en politieke klimaat veroorsaak word, en ons poog steeds om 'n wêreldklas kamp teen 'n billike prys aan te bied. Vergelyk gerus ons kampfooi met dié van skole en ander organisasies en bereken die waarde van dit wat ons bied:

- 22 heerlike, gebalanseerde etes
- 'n Verrykende kampprogram vol avontuur
- 'n Kampervaring langs 'n pragtige, veilige varswaterdam
- Toegang tot gekwalifiseerde mediese personeel
- 'n Streng benadering tot waterveiligheid
- Verskeie kampaandenkings (soos 'n kursuspas en kampknopies)

Indien jy enige navrae het oor die kampfooi, of spesifieke reëlings wil tref, kontak ons asseblief.

Ek sien baie uit daarna om elkeen by Nakuphi 2024 te verwelkom!

Jaco van der Walt

Kamplieër

Kampinligting

Tydperk	Saterdag, 21 September 2024 om 12:00 tot Saterdag, 28 September 2024 om 11:00
Plek	<i>Forest Sailing Club</i> Da Gama Dam — tussen Witrivier en Hazyview, Mpumalanga
Verblyf	Tente word vir Graad 8's (Varswaterkunde) en Graad 9's (Roeikunde) verskaf om in te slaap. Ander Verkenners en volwassenes: Eie tente.
Vervoer	Busvervoer is beskikbaar vanaf Pretoria teen 'n addisionele R800 retoer.

Busdiens

Vertrek	NG Kerk Lynnwood, Sussexlaan 439, Lynnwood, Pretoria Saterdag, 21 September 2024 om 07:00
Terug	NG Kerk Lynnwood, Sussexlaan 439, Lynnwood, Pretoria Saterdag, 28 September 2024 om ongeveer 17:00
Busoperateur	<i>Grundling Busse</i>
Koste	Addisionele R800 by inskrywingsfoo
Reisreëlings	Maak asseblief seker dat jy aanmeld by die Kamp Nakuphi offisier wat jou by die oplaai punt sal ontmoet en jou naam afmerk. Die bus sal halfpad stop vir 'n kort blaaskans. Daar sal geleentheid wees om 'n koeldrank of lekkers te koop, maar in belang van reistyd mag geen wegneemetes aangekoop word nie. Dit is dus 'n goeie idee om peuselgoed saam te bring. Middage sal met aankoms op die kamp bedien word.

Die Nakuphi busdiens is steeds die goedkoopste manier om die 720 km retoer tussen Pretoria en die Da Gama Dam aan te pak.

Kamphemp

Nakuphi bied vanjaar weer 'n opsionele kamphemp vir alle Nakuphi kampingangere. Hierdie T-hemp is nie ingesluit in die kampfoo nie en kan vooraf bestel word teen R150 per hemp. Hierdie is dieselfde ontwerp as dié wat in 2022 en 2023 aangebied was en dit is dus nie nodig om weer een aan te koop as jy reeds een het nie!



Snoepie

Nakuphi het weer vanjaar 'n snoepie waar 'n paar items soos koeldrank, lekkers en sjokolade verkoop word tydens die kamp.

Die snoepie aanvaar slegs kontant.

Verkennerkursusse

Kursus	Skoolgraad	SO's verwerf	Kampfooi
--------	------------	--------------	----------

Varswaterkunde	Graad 8	Varswaterkunde Waterveiligheid	R2050
-----------------------	---------	-----------------------------------	-------

Varswaterkunde is die ideale plek om jou wateravontuur te begin. Hier leer Verkenners van die watersisteem en ekologie van die Da Gama dam. Verkenners ondersoek verskeie diertjies en natuurverskynsels en spandeer meer as genoeg tyd in die water!

Roeikunde ¹	Graad 9	Roeikunde Riviere Waterveiligheid	R2100
-------------------------------	---------	---	-------

Die roeikundekursus is propvol pret en avontuur. Verkenners bou hulle eie vlot en leer hoe om met kajakke en kano's te roei. Die kursus sluit die rivierespesialisasie in en Verkenners besoek verskeie gedeeltes van die Da Gama dam.

Spyseniering	Graad 10 – 12	Spyseniering Waterveiligheid	R1550
---------------------	---------------	---------------------------------	-------

Die spysenieringskursus bied Verkenners die geleentheid om kennis te maak met die wêreld van voedselvoorbereiding. Verkenners leer verskeie kombuisvaardighede soos messlypmetodes, voedselverwerking en spyskaartbeplanning. Verkenners is hulpvaardig tydens die voorbereiding van die kamp se etes, maar het steeds genoeg geleentheid om self in die water af te koel.

Seilkuns ¹	Graad 10 – 12	Seilkuns Seilvernuf Waterveiligheid	R2100
------------------------------	---------------	---	-------

Nakuphi is passievol oor seil en ons is trots om elke jaar Verkenners te lewer wat hierdie sport bemeester het. Verkenners voltooi die seilkuns- en seilvernufspesialisasies en kry die geleentheid om solovaarte met dubbel- en enkelrompseilbote te neem. Hierdie kursus is 'n hoogtepunt vir alle Verkenners!

Snorkelduik ²	Graad 10 – 12	Snorkelduik Waterveiligheid	R2100
---------------------------------	---------------	--------------------------------	-------

Verkenners leer hier baie meer as net hoe om te snorkel! Verkenners kry skubaopleiding tydens die kursus en kry die geleentheid om aan verskeie skuba oefeninge deel te neem in die swembad en dam.

Lewensredding ^{1,3}	Graad 11 – 12	Noodhulp Gevorderde Noodhulp Waterredding	R3150
-------------------------------------	---------------	---	-------

Hierdie kursus rus Verkenners toe met vaardighede om moontlik eendag 'n lewe te red. In hierdie kursus word Verkenners opgelei in Vlak 1 en Vlak 2 noodhulp en ontvang 'n geakkrediteerde sertifikaat indien die vereistes bereik word. Verder word Verkenners opgelei in waterredding om verdrinking te voorkom en te hanteer.

Matriekgroep	Graad 12		R1550
---------------------	----------	--	-------

Kamp Nakuphi bied aan matrieks die geleentheid om in 'n leierskapsrol in te tree. Die groep neem deel aan verskeie logistieke- en bestuursaktiwiteite van die kamp en besoek verskillende kursusse om te verstaan hoe jong volwassenes ná skool by Nakuphi betrokke raak. Daar is ook geleentheid om agter die boeke in te skuif voor die eindeksamen!

¹ Verkenners wat inskryf vir Roeikunde, Seilkuns, Snorkelduik of Lewensredding moet beskik oor basiese swemvaardighede en moet gemaklik in die water kan beweeg.

² Geen Verkenners met asma of longkwale mag inskryf vir Snorkelduik nie.

³ Sluit 'n geakkrediteerde Noodhulp Vlak 1 en Vlak 2 sertifikaat in.

Volwassenes

Offisiere	Staatmakers, offisiere en diensdoenende volwasselede.	R1450
------------------	---	-------

Meelopers	Ouers en eggenote wat nie diens lewer tydens die kamp nie.	R2000
------------------	--	-------

Penkoppe en Drawwertjies

Paddavissies	Voor- of laerskoolkinders Slegs voor- of laerskoolkinders van diensdoenende volwassenes word op Kamp Nakuphi toegelaat.	R700
---------------------	--	------

Kampbenodighede

- Geen bordesakke** is nodig nie — die kamp voorsien almal van eetgerei om higiëne te bevorder. Bring slegs jou eie koffie- en koeldrankbeker.
- Bring jou eie **koffie- en koeldrankbeker**.
- Flits** of kopligh met spaar batterye. Daar is geen krag op die kamp nie!
- Graad 8's (Varswaterkunde) en Graad 9's (Roeikunde): Tente word verskaf om in te slaap. Alle ander kursusgroepe en volwassenes: Bring jou eie **tent**.
- Slaapsak**, kussing en kampmatrassie.
- Lewensgordel** of lewensreddingsbaadjie.
- Volledige **aktiewe Voortrekkerdrag** met erkenningsbaadjie. (Donkerblou denimbroek met 'n blou of rooi Voortrekker gholfhemp en toe skoene of tekkies).
- Genoeg ou **klere** vir die kamp.
- Swemklere**. Dogters: Volledige eenstuk swemklere. Seuns: Geen speedos nie!
- Warm klere** (trui, sweetpak, baadjie). Dit word nog koel in die aande!
- Reënjas**.
- Gemaklike **toe skoene** waarmee jy kan stap.
- Waterskoene** (*Aqua Shoes/Aqua Booties*) is verpligtend vir alle kursusgroepe. Dié skoene kan aangekoop word by enige buitelug- of sportwinkel teen 'n billike prys.
- Bybel**.
- Toiletware**.
- Sonbrandroom** en sonbril.
- Waterbottel**.
- Enige spesiale **medisyne** met duidelike gebruiksaanwysings.
- Pen, potlood en notaboekie.
- 'n **Klein dagsak** vir algemene gebruik tydens jou kursus.



Varswaterkunde:

Tente word vir Graad 8's (Varswaterkunde) verskaf om in te slaap.

- Opvoubare **visstok** en klein visvangtrommeltjie (vislyn, hoekies, sinkerkies, ens.).
- Inkleurpotlode**.
- 'n Leë 2 liter plastiek **gaskoeldrankbottel**.

Roeikunde:

Tente word vir Graad 9's (Roeikunde) verskaf om in te slaap.

Seilkuns:

- Opsioneel: **Werkshandskoene** om te gebruik tydens die op- en afslaan van seilbote.

Spyseniering:

- Gemaklike **toe skoene** waarmee jy in 'n kombuis kan werk. Geen plakkies in die kombuis nie!

Lewensredding:

- Algemene **skryfbehoeftes**.

Matriekgroep:

- Algemene **skryfbehoeftes** en jou **leerwerk**. Daar is geleentheid tydens die kamp vir jou akademiese!

Kampreëls

- 1 Niemand mag die kampterrein verlaat sonder die kampleier se toestemming nie. Enige spesiale reëlings moet vroegtydig met die kampbestuur uitgeklaar word.
- 2 Geen radio's, musiekspelers, luidsprekers of elektroniese speletjies word toegelaat nie. Los jou *Bluetooth speaker* asseblief by die huis — ons verkies die roep van visarende bo jou sokkie-treffer.
- 3 Hommeltuie mag slegs met die kampleier se toestemming gebruik word.
- 4 Verkenner wat van busvervoer gebruik maak, word versoek om bedagsaam te pak en om onnodige toerusting by die huis te los. Jou kampstoel is die eerste item wat ons langs die pad afgooi!
- 5 Die eerste ete wat die kombuis voorsien is middagete op Saterdag, 21 September 2024. Persone wat vroeër op die kamp aankom moet die kampleier vooraf in kennis stel.
- 6 Geen bederfbare kos mag saamgebring word vir gebruik na Saterdagmiddag wanneer die kampkombuis amptelik oopmaak nie. Enige lekkergoed of peuselhappies moet asseblief in 'n geseëde houer gebêre word.
- 7 Geen Verkenner mag klappers, vuurwerke, vuurhoutjies of aanstekers in sy/haar besit hê nie. Ons kamp in 'n bosbou-area wat baie vatbaar is vir veldbrande!
- 8 Geen Verkenner mag gewoontevormende middels (sigarette, vape, drank, dwelms, hubbly-bubbly's ens.) in sy/haar besit hê of tydens die kamp gebruik nie. Indien sulke items by 'n Verkenner gevind word, sal die Verkenner en sy verbode middels huis toe gestuur word.
- 9 Die gebruik van selfone tydens die kamp is op die Verkenner se eie risiko. Kamp Nakuphi sal geen verantwoordelikheid neem indien jou selfoon wegraak of as jy met jou selfoon in die dam spring nie. Ouers word aangemoedig om eerder met die kampleier of kampsekretaresse persoonlik te skakel indien nodig.
- 10 Verkenner moet swemklere saambring wat die nodige beskerming teen die son bied en waarvoor niemand gaan skaam kry nie. Almal gaan heeldag bedrywig wees in en om die water en die kans vir ernstige sonbrand is 'n realiteit. Geen bikinis, speedos of hemde sonder moue mag gedra word nie!
- 11 Daar is geen krag op die terrein nie en kragopwekkers word volgens 'n skedule aangeskakel om noodsaaklike toerusting beskikbaar te stel. Dus is daar geen kapasiteit of fasiliteite om jou selfoon of kamera te herlaai nie.
- 12 Alle persone wat Kamp Nakuphi bywoon onderwerp hulself aan die gesag, gedragkode en reëls van bestuursliggame van Die Voortrekkers en aanvaar dat daar toepaslik volgens die bepalings van Die Voortrekkers se reglemente, insake dissiplinêre optrede, opgetree kan word indien hy/sy die beginsels daarvan of ander landswette oortree en aanvaar enige sodanige wettige optrede.

Kontaknommers tydens die kamp

Ouers word vriendelik versoek om tydens die kamp direk met die kampbestuur te skakel indien 'n Verkenner enige probleme ervaar of as daar 'n reëling getref moet word. Dit is normaal vir Verkenner om huis toe te verlang en die kampbestuur wil graag weet indien 'n Verkenner 'n ekstra drukkier nodig het. Moet asseblief nie sonder die kampbestuur se kennis enige addisionele reëlings direk met 'n Verkenner tref nie.

Vir enige noodgeval of dringende boodskap is die volgende nommers 24-uur per dag beskikbaar:

Jaco van der Walt	<i>Kampleier</i>	072 312 7722
Susan Conradie	<i>Kampsekretaresse</i>	082 563 1207

Noodhulp vir volwassenes

Nakuphi bied vanjaar weer die geleentheid vir volwassenes aan om 'n noodhulp vlak 1 en vlak 2 kwalifikasie te voltooi.

Skakel asseblief met die kampeier vir meer besonderhede indien jy belang stel om jou noodhulpopleiding op Nakuphi te voltooi.

Offisierevergadering

'n Offisierevergadering vir alle volwassenes wat Kamp Nakuphi 2024 bywoon vind plaas op **14 September 2024** in Pretoria.

'n Opsie om die vergadering aanlyn by te woon is ook beskikbaar.

Alle volwassenes word aangemoedig om hierdie geleentheid by te woon. Meer inligting sal volg.

Inskrywings

Alle inskrywings vir Kamp Nakuphi word aanlyn voltooi by [inskrywings.voortrekkers.co.za](https://www.inskrywings.voortrekkers.co.za)

Inskrywings vir Nakuphi 2024 open Vrydag, 19 Julie 2024 om 18:00

Nakuphi se kursusse word streng beperk en inskrywings word aanvaar in die volgorde waarin dit ontvang word. Om teleurstelling te voorkom, maak dus seker dat jy so gou as moontlik inskryf vir die kursus van jou keuse.

Besonderhede vir betaling sal tydens die elektroniese inskrywingsproses gestuur word. Maak asseblief seker dat jou selfoonnommer en e-posadres korrek ingevul is tydens die proses.

Die sluitingsdatum vir inskrywings is **14 September 2024**. Alle kampfooe moet voor aanvangs van die kamp betaal wees. Indien jy vashaak en 'n spesiale reëling wil tref, kontak die kampbestuur asseblief so gou as moontlik.

Dit is 'n vereiste van Die Voortrekkers dat alle persone wat inskryf vir Kamp Nakuphi **ingeskrewe lede van Die Voortrekkers moet wees**. Jeuglede (Verkenner en Penkoppe en Drawwertjies) moet by 'n kommando ingeskryf wees. Volwassenes kan aansoek doen om as 'n Jeugvriende te registreer (teen geen koste nie).

Geen terugbetaling van kampgelde sal na 14 September 2024 gemaak word nie en alle kampfooe word verbeur. Uitrustings sal wel oorweeg word.